

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA KAKANJ  
-Općinsko vijeće-**

**PRIJEDLOG**

**ODLUKA**

**o produženju vremenskog perioda važenja Urbanističkog plana Kakanja 2011-2026. godine**

Kakanj, maj 2026. godine

**Broj:** 01/1- \_\_\_\_/26

**Kakanj,** \_\_.05.2026.godine

Na osnovu člana 8. Zakona o principima lokalne samouprave Federacije Bosne i Hercegovine („Službene novine Federacije BiH“, broj: 49/06 i 51/09), člana 24. stav (3) Zakona o prostornom uređenju i građenju („Službene novine Zeničko-dobojskog kantona“ broj: 17/23), člana 24. Statuta Općine Kakanj („Službene novine Općine Kakanj“, broj: 4/08) i člana 94. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16), u postupku produženja vremenskog perioda važenja Urbanističkog plana Kaknja 2011-2026. godine (“Službene novine Općine Kakanj” broj: 8/11), Općinsko vijeće Kakanj na \_\_. sjednici, održanoj dana \_\_. \_\_.2026. godine, **donosi**

## **ODLUKU**

### **o produženju vremenskog perioda važenja Urbanističkog plana Kaknja 2011-2026. godine**

#### **Član 1.**

Produžava se vremenski period važenja Urbanističkog plana Kaknja 2011-2026. (“Službene novine Općine Kakanj” broj: 8/11) za narednih 5 (pet) godina.

#### **Član 2.**

Ovom Odlukom produžava se vremenski period važenja Urbanističkog plana Kaknja 2011-2026. (“Službene novine Općine Kakanj” broj: 8/11) za narednih 5 (pet) godina, a samim tim i Odluka o provođenju Urbanističkog plana Kaknja 2011-2026. koja je sastavni dio Urbanističkog plana, kao i usvojene izmjene i dopune Urbanističkog plana 2011-2026. (“Službene novine Općine Kakanj” broj: 4/12, 11/13, 11/14, 6/17 i 7/18).

#### **Član 3.**

Ova Odluka stupa na snagu danom donošenja, a naknadno će se objaviti u Službenim novinama Općine Kakanj.

**PREDSJEDAVAJUĆI OPĆINSKOG VIJEĆA**

---

Slaven Katičić

## O B R A Z L O Ź E N J E

### PRAVNI OSNOV

Članom 24. stav (3) Zakona o prostornom uređenju i građenju („Službene novine Zeničko – dobojskog kantona“ broj: 17/23) propisano je da razvojni planski dokumenti važe do isteka planskog perioda za koji su doneseni, a nakon izvršene analize u okviru planskog roka iz stava (2) istog člana od nosioca pripreme može se produžiti odlukom organa nadležnog za njegovo donošenje najviše za deset godina.

### RAZLOZI

Urbanistički plan Kaknja 2011-2026. godine („Službene novine Općine Kakanj“ broj: 8/11) je razvojni planski dokument koji važi do isteka planskog perioda za koji je donesena Odluka o usvajanju Urbanističkog plana Kaknja 2011-2026. godine broj: 0-01/1-189/11 od 29.07.2011.godine.

S obzirom da navedeni planski dokument ističe 29.07.2026.godine, neophodno je produženje Odlukom Općinskog vijeća Općine Kakanj, a što je propisano članom 24. stav (3) Zakona o prostornom uređenju i građenju („Službene novine Zeničko – dobojskog kantona“ broj: 17/23).

Što se tiče analize od strane nosioca pripreme u okviru roka, što je isto tako propisano gore navedenim članom, Općina Kakanj je imala namjeru izmjene i dopune Urbanističkog plana Kaknja za period 2011-2026. godine. Općinsko vijeće Općine Kakanj donijelo Odluku o pristupanju izmjena i dopuna Urbanističkog plana Kaknja 2011-2026. koja je objavljena u Službenim novinama Općine Kakanj broj: 1/21. U procesu aktivnosti na realizaciji izmjena i dopuna Urbanističkog plana Kaknja 2011-2026., a na osnovu donesene Odluke o pristupanju izradi izmjena i dopuna Urbanističkog plana Kaknja 2011-2026. broj: 01/1-2-286/20 od 30.12.2020.godine („Službene novine Općine Kakanj“, broj: 1/21), utvrđeno je da je potrebno predmetnim izmjenama i dopunama obuhvatiti kompletan obuhvat Urbanističkog plana Kaknja 2011-2026. Kantonalni zavod za urbanizam i prostorno uređenje Zenica je dao sugestiju da se obuhvatom izmjena i dopuna plana ne ograničavamo, već da se ostavi mogućnost da se cjelokupan plan pregleda i eventualno po potrebi izmjeni, te se izvrši usklađivanje Urbanističkog i Prostornog plana općine Kakanj sa Prostornim planom Zeničko-dobojskog kantona.

Aktom broj: 04/1-32/21 od 13.01.2021.godine nosilac pripreme Služba za privredu, urbanizam i zaštitu okoline Općine Kakanj je Kantonalnom zavodu za urbanizam i prostorno uređenje ZDK dostavila Odluku o pristupanju kao i Programske zadatke za pripremu i izradu izmjena i dopuna navedenog planskog dokumenta kao i Program i plan aktivnosti kojim su dati razlozi izmjene. Međutim do danas nije započeta izrada izmjena i dopuna Urbanističkog plana Kaknja 2011-2026. od strane Kantonalnog zavoda za urbanizam i prostorno uređenje.

S toga se predlaže da se usvoji Odluka kojom se produžava vremenski period važenja Urbanističkog plana Kaknja 2011-2026. („Službene novine Općine Kakanj“ broj: 8/11) za narednih 5 (pet) godina a samim tim i Odluka o provođenju Urbanističkog plana Kaknja 2011-2026. koja je sastavni dio Urbanističkog plana, kao i usvojene izmjene i dopune Urbanističkog plana Kaknja 2011-2026. („Službene novine Općine Kakanj“ broj: 4/12, 11/13, 11/14, 6/17 i 7/18).

**PREDLAGAČ**

Općinski načelnik

**OBRADIVAČ**

Služba za privredu, urbanizam i zaštitu okoline